

太上洞淵神呪經卷之六

捨殛品

道言自今以去至甲戌壬午年人多衰厄死亡奔波下土道炁日盛盛在江南漢蜀之中三洞流布六夷死盡鬼兵縱洪毒害百姓行疫殺人不一方自今以去若有奉此經者天護人民及有殛殛之鬼一切邪精吾當與捨自今有法師所救之人令官事者解疾病者瘥若復不瘥太上遣三天力士四十九萬人收天下外殛男女之鬼斥去千里道士療治無不瘥愈十方大神助此法師治病來矣。道言自今以去若有疾病之人得三洞之師轉此經處一切疫鬼聞之速走萬里不得來干亂也當令官事囚徒自然銷散若不去者我遣千萬力士天下殺汝矣。

道言辛巳壬午癸未之年天下七十二種病病殺惡人惡人多不信道法故殺之也自今以去中國若有法師救此病人之處我遣九天主者為斷捨外殛一切惡鬼悉令遠斥他方不得犯此法師所救之者急急如太上中

天禁令若不伏者天丁力士來下誅汝等斬之不想矣。

道言自今以去若有道士為人轉經行道之處便為太上玄堂天人所止之處也若有官事疫病者悉令瘥愈口舌不生囚徒自了何以故此太上妙言金口所說故令三天力士誅其疫鬼也。

道言於今有法師不貪世官自求三洞專行世間見世老厄一心療濟有官事疾病為其人救之如此之人先世大福福流中國今故來生為衆生之師耳我今見此法師治救之處與一切疫鬼誓不復來矣。

道言自今以去天下洪波鬼兵流行甲戌壬午之年多有赤憤鬼布在九州千二百郡萬八千縣三億鄉中殺害良善病痛急疾致使太上真民死不以理於今方益至甲子壬辰之歲流殃萬丈皆汝等之妖鬼古之死將國主大臣下官故炁世間鬼賊或男女之殛水火刀兵之殛行客之鬼因世之人有衰競來崇之圖害萬民取其名譽希其血食千千萬

億遠人宅舍作其光怪令人人口舌刑徒自今以去若有不信吾言徘徊此宅不欲去者十方殺鬼大將軍三十萬人斬汝鬼等不得停留急急如太上口勅若不去者魔王俱留于二十萬衆頭破作十二分矣。

道言三天魔王向婆薹十二萬人汝往世間自今以始若有赤丁火鬼各領七十八萬人作其疫病枉殺善人者建和吏兵三萬六千捉縛之令付九天之獄令天下良民疾病除愈人口平安刑獄自止萬事解了口舌不起。圖求者得以明大道無極之施若不用吾言百丈鬼王身斬之鬼急如太上口勅律令若不知其言汝等鬼當害民不去者七天魔王汝頭破作二十分矣。

道言甲戌壬午年有黑足鬼身長三丈六尺其目赤黃或化為赤鳥名曰足日行病千萬為羣飛來人屋上令人急病痛苦身黃寒熱淋瀝下痢赤黑面目焦青乍來乍去不用飲食飲食便吐血屎俱流目赤頭痛筋掣手脚不拘此皆黑足鬼等此鬼王名大頭盧兄弟

八千萬人為羣吾已知汝名字急去千里若  
不去者斬汝不想急急如律令

道言自今以去甲辰之歲有四十九萬黑面  
鬼王名章常行下人間四十六萬億人遊行  
天下行於痢疾或有背背腰痛目中水出聲  
欬不利令人家口舌貧窮鬼共遠舍倚人門  
戶四方八角取人小口老人死亡狼籍悉是  
此鬼等自今以去不去者怨黎殺汝不原鬼  
王頭破作八十六分矣

道言復有二十萬赤索鬼王自領四十九  
萬女鬼春來取人男子秋若取人女子冬便  
取小口夏來取老者晝日在水中暮向伺人  
家或取六畜牛馬行其災毒令人貧窮疾病  
不可治療日來取人自今以去速馳奔走若  
或不去汝各各頭破作十二分鬼王被誅也

道言甲子之旬有白下鬼三萬頭鬼王名赤  
都天下遊行七十八種病不可治令人  
狂走妄語下痢癰腫口中出血而死悉息不  
定鳥鵲遊人宅中則是此鬼今天下人民卒  
然暴死不以理男女多重病自今以去汝

等鬼王攝汝鬼兵不去者汝死頭破作三十  
八分矣

道言甲戌之年有赤索鬼身長八丈四十  
九億眾為一羣化為大魚長七丈二尺三寸  
復化為飛鳥百萬而飛來天下行卒死之悉  
一今天下兵起犯人刑獄口舌妄來門門病  
痛此是鬼王怨來急攝汝兵自今以後并去  
萬里若不去者汝等頭破作三十分矣

道言甲午之旬年中有黃牛鬼鬼王名赤石  
領馳則赤頭鳥九千萬人入人宅中取人小  
口老人行萬種病悉重多土公所害自稱  
李子教子教兄弟千億萬為信來殺人死  
不以理自今以去速走他方若不去令人病  
死宅中口舌田蠶不收者汝等死矣鬼名赤  
石頭破作萬分矣

道言甲申之旬年中有鬼王名蒙恬王翦各  
領三萬赤鬼遍行天下令人闔悉病下惡痢  
面目癰腫胃滿吐下不安小兒驚啼官事口  
舌犯入刑獄千病萬疾貧窮危悴生子不立  
田蚕不收萬頓不果比皆王翦等鬼王所作

自今以去蒙恬王翦等不攝汝下兵者汝下  
鬼充盡鬼王頭破作八十分矣

道言甲戌之旬年有鬼王共五國鬼兵宋趙  
燕魏魯之死將國王各領三萬六千鬼遊行  
國土面漢取天下女子小兒老公行四十六  
種病殺人自今以去已知汝名字鬼王淮南  
子廷白公韓涉宋鏡王善等自今以去勅汝  
下鬼故來殺人不者汝頭破作七十八分  
矣

道言甲寅之年旬中有三萬九千鬼鬼王各  
留鄰各領八十萬鬼來下布萬六千種病  
病不可治令國王妄占百姓枉其萬民不  
自全隣國賊來惡鬼入宅宅不可居皆此等  
鬼也自今以去汝鬼王等下鬼鬼兵自攝若  
復不去者赫婁天都斬汝不怒子等莫令夫

下枉死疾病也急收汝吏兵急急如律令  
道言若遇天下大亂水來不久人民勤苦受  
道以化愚人鬼王等見子受三洞之經法奉  
道師訓自來守護不敢侵汝道士但自努力  
受太清中玄令百鬼不近於人受三昧者自

然得仙受導化者魔王自伏受大驅經者天人助之受無量品者面見真君受記仙者仙人來護之受黃庭者太上自來耳此三洞真要者也道士者男女之賢奉受此經行來之處治人疾病無有不瘥鬼王自伏若不伏者力士黃英次次斬之耳

道言世間多惡人故有此惡鬼等暴殺人耳自今以去男女有受三洞之人鬼王敬奉不敢犯之一切人供養之者犯此三洞法師者鬼王等頭破作十八分或人道說欺誑罵辱圖謀打掠者令其身考滅亡子孫七祖長幽太上口勅急急如律令

道言自今以去有疾病者三天三十二魔王鳴鳩等汝死矣汝等下兵不得流毒殺人汝等故不去者遣赤卒小吏八千萬人下九天太上真騎殺汝等速收取下鬼令鬼兵自伏生人平安天下蕩蕩汝等何不去魔王等頭破作九十分矣  
道言有九十五萬小鬼來殺人如有大福道士受此三洞之呪文來為轉讀者鬼王等助

之力士為令却此小鬼賊和喻家鬼并竈之君中表之鬼一切分別之宅中伏尸他地之鬼家中不祠祀之者一一為收付天一北獄殺之若復不依吾言汝等大魔王頭破作八十分矣

道言自今以去有一人病者悉是汝等小鬼王所為自今以去有一男一女病者道士來轉經治汝等急去萬里令生人自瘥吾當上遷如不瘥者斬汝萬段不怒之矣急急如太上口勅律令

道言自今有一人疾病此悉疫鬼所為大魔王不加用意令小鬼殺人自今以去大魔王小王急助天人道士轉此經文之處令生人病瘥口舌官事自銷若復不瘥鬼王等斬之萬段不怒急急如太上口勅律令

道言世多惡人壬午之年道士入山者競共笑之大水淹來死至不知奈何奈何聖人預見未兆故先作三洞之要以示萬姓不用不受不奉者與泥同流痛哉痛哉太上為十方一切眾生大慈悲矣

道言自今以去有暴卒病人官事口舌者悉是節侯之鬼與劉斗鳥亦來殺萬民天遣赤雷將軍二十八萬人領眾殺之大魔王等自今以去急攝汝下鬼驅走萬里若復不去令生人病不瘥者汝等死矣急急速去如太上口勅律令

道言自今有八十萬小鬼殺人其中有一人受此神呪經道士來救之者汝小王大魔王悉來共助之令小鬼促去病人得瘥者復不瘥令病困者小鬼等死矣急急如太上口勅律令

道言自今有四十九萬惡人惡人不識道法聞之不信今有三十萬赤殺鬼誅之若其中有一人信心天人來化復有八千疫鬼入宅取人時有道士來救之處小鬼等死滅也

道言惡人不信道法是以世間多有惡人時有信經受三洞者天上來也自今以去若有病人不瘥者大魔王等先坐自今以去急攝汝下鬼急急如太上口勅律令  
道言自今奉三洞之道士先為一切眾生受

此神呪若有病者有情之處天人魔王等不助之者汝當死矣

道言世人為疫鬼所擾危厄困窮命在須臾自今以去若有道士救人之地大魔王等急令病瘥瘥之者汝等上遷不瘥者汝等死矣道言汝等道士為一切厄人急急往行救之吾當遣三萬天人力士助子自今以去道士有救人之處天人力士護助之令病人自瘥瘥者天人魔王等上遷不瘥者汝等死矣急急如太上口勅律令

太上洞淵神呪經卷之六

太上洞淵神呪經卷之七

斬鬼品

第七

道言自今壬午年三月至九月人民疫鬼殺害十分殺三刀兵之世也六夷當死沙門法變道杰日威三洞流演中國之中浩浩日月夫度人民勤苦死者門門若有奉持三洞化人受之有病轉經經神救人也此病可瘥若自今以去有轉此經處吾遣十方力士化喻疫鬼一切邪精令收此之鬼病人得命瘥愈無他有囚繫徒刑自然解了若不蒙恩魔王先生斬之不恕矣

道言甲戌之後有三千六萬三足鬼身長九丈手執赤棒入人宅中行六十二種病病殺惡人鬼名曲寅各各有三百六十縱眼鬼鬼目悉赤或乘風雲奪取人命暴殺六畜千二百青疫鬼疫鬼兄弟八千萬人男女之鬼日有九億來入人舍宅伺人小口令人卒死復有兩頭鬼鬼名當進當進暴虐常惡百姓百姓得病此鬼妄食人精難詐作大神欺誑愚人愚人信之殺六畜專祀此鬼此鬼得便因

成習俗若乃不得使生病痛自今以去有奉此經之者吾當遣三萬九千天和喻此鬼等令斤去千里若不去者三天大魔王及十方主者斬之萬段終不恕矣

道言壬午年已有三十六種大鬼鬼名黑頭然又名赤蓋三名阿駒各各將三萬九千人齊執白棒殺鬼之刀刀長七尺入人宅中專取人命行百二十種病病殺惡人有六十種惡氣入人身中令人卒死自今以去有如此病者得三洞之師轉經行道之處悉令得瘥若復不降令生人病不損官事不了者大梵天王等及十方主者斬之不恕矣

道言若壬午年已有三萬七千赤烏行三萬九千種病病殺惡人復有八十二種病不利惡人若得此病時有三洞法師轉經行道者可得瘥耳若轉經行道者三十六梵天天王來助護子等也疫鬼之兵自然消散若不去者我遣三天力士十萬赤壞兵收而斬之道士既奉三洞者但急化一切人入道天人亦喜若壞一人善心天人誅汝汝不得人身何